

SECCION AMENA.

¡KUKURUKU!

Milla zortzireun da ogeitamaseian,
 Zorigaiztoan sortu zan gerra naasian,
 Chapelgorri azkarrak zeuden bein batean
 Zumarraga deritzon erri politean.
 Abenduko goiz bat zan, eta, aiñ gogorra
 Ezik etzan gelditzen erortzen elurra.
 Kabo zaitzalle batek, ez batere gaitzez,
 Baizikan zuelako grifa ura berez,
 Azariren papera okullu batean
 Egoki egin zuen eguna argitzean.
 Morralean gorderik bere ustez ongi
 Aurkestu zitzakion buruzagiari.
 Pasatzean guziai onek errebista
 Urbiltzen zaio kabo purrielari ta
 Ikusten ollar baten burua zinzillik,
 Morralari lajatu zion zirriztutik,
 Oju egiten dio—¡porkeri zirzilla!
 Ordu asko baña len izango aiz... illa.
 —¡Nere kapitan jauna! ez beza pensatu
 Gisatu ta jateko dedala arrapatu!
 —Orduan esan zaidak zertarako dekan:
Kukuruku egiñaz goiz esnaatu nazan.

C. DE OTAEGUI.
